

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovici.gov.ba, Web:www.banovici.gov.ba

Broj: 01-05-896/19-9

Datum: 06. 08. 2019. godine

Na osnovu člana 64. stav 1. tačka b. a u vezi sa članom 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH, broj 35/05 ) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 42. Statuta Općine Banovići ( „Službeni glasnik Općine Banovići“ broj 3/08) i Preporuke Komisije za javnu nabavku, broj: 01-05-896/19-8 od 06. 08. 2019. godine u postupku javne nabavke radova „Izvođenje radova na izgradnji kanalizacionih kolektora i prečištača otpadnih voda u MZ Banovići Selo, naselje Selo II- druga faza“ Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

#### **Član 1.**

Prihvata se Preporuka Komisije za javnu nabavke broj: 01-05-896/19-8 od 06. 08. 2019. godine i Ugovor za javnu nabavku radova „Izvođenje radova na izgradnji kanalizacionih kolektora i prečištača otpadnih voda u MZ Banovići Selo, naselje Selo II- druga faza“ dodjeljuje ponuđaču „DŽEVKOMERC INŽENJERING“ d.o.o. Zavidovići, sa sjedištem u Zavidovićima, ulica Dubravački put bb, ponuda broj **IMP 1007/19** za ukupnu ponuđenu cijenu od 138.970,83 KM bez PDV-a, kao najbolje ocijenjenom ponuđaču.

Nakon provedene e -aukcije nije ostvareno umanjenje početne cijene ponude.

Cijena za ugovor javne nabavke neće biti umanjena po osnovu e-aukcije

#### **Član 2.**

Prijedlog Ugovora o nabavci roba dostavit će se na potpis izabranom ponuđaču iz člana 1. ove Odluke nakon dostavljanja dokumenata ( originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku do 15 dana računajući od dana kada su svi ponuđači obavješteni o rezultatu postupka.

U slučaju nedostavljanja dokumenata ili izjavljene žalbe,postupa se prema pozitivim propisima.

#### **Član 3**

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ( Službeni glasnik Bosne i Hercegovine, broj 39/14).

## o b r a z l o ž e n j e

Odlukom o pokretanju postupka javne nabavke radova broj: 01-05-896/19 od 17. 06. 2019. godine donesenom od strane ovog organa pokrenut je postupak javne nabavke radova „Izvođenje radova na izgradnji kanalizacionih kolektora i prečistača otpadnih voda u MZ Banovići Selo, naselje Selo II- druga faza“ Predmetna javna nabavka predviđena je u Izmjene i dopune plana javnih nabavki općine Banovići za 2019. godinu, broj:01-05-871/19 od 07.06.2019.godine, evidencijski broj 3d1.

Vrsta postupka: otvoreni postupak

Vrsta ugovora: ugovor o javnoj nabavci radova

Procijenjena vrijednost nabavke: 136.000,00 KM

Broj javne nabavke: 01-05-896/19 od 17. 06. 2019. godine

Evidencioni broj javne nabavke iz Plana javnih nabavki za 2019.godinu: Izmjene i dopune plana javnih nabavki Općine Banovići za 2019. Godinu, broj:01-05-871/19 od 07.06.2019.godine, evidencijski broj 3d1.

Podaci o e-aukciji: predviđeno je provođenje e-aukcije

Podaci o okvirnom sporazumu: nije predviđeno zaključivanje okvirnog sporazuma

Broj obavještenja o nabavci sa portala javnih nabavki: 1220-1-3-72-3-32/19 od 18.06. 2019. godine

Tenderska dokumentacija objavljena je na portalu javnih nabavki <https://www.ein.gov.ba> dana 18.06.2019. godine

Broj Službenog glasnika BiH u kojem je objavljeno Obavještenje o javnoj nabavci: 40/19 od 21.06.2019.godine

Jrjn oznaka predmeta 45232400-6

Jrjn naziv predmeta javne nabavke građevinski radovi na kolektorima otpadne vode

Komisija za javne nabavke imenovana rješenjem broj: 01-05-59/19 od 22. 01. 2019 godine , ovom organu dostavila je dana 05. 08. 2019. godine Informaciju broj 01-05-896/19-5 od 05.08.2019.godine prema kojoj ponuđena cijena obje ponude premašuju procijenjenu vrijednost javne nabavke. Ponuda prvoplasiranog ponuđača premašuje procijenjenu vrijednost javne nabavke za 2.970,83 KM, dok ponuda drugoplasiranog premašuje procijenjenu vrijednost javne nabavke za 85.286,00 KM.

Obzirom na navedeno i činjenicu da ponuda ponuđača koji je nakon pregleda i ocjene ponuda prvoplasiran tek neznatno premašuje procijenjenu vrijednost javne nabavke i to za 2.970,83 KM, obzirom da u budžetu ugovornog organa postoji mogućnost osiguranja dodatnih sredstava u potrebnom iznosu, ovaj organ je donio Odluku o odobravanju dodatnih sredstava u postupku javne nabavke „Izvođenje radova na izgradnji kanalizacionih kolektora i prečistača otpadnih voda u MZ Banovići Selo, naselje Selo II- druga faza“ broj :01-05-896/19-6 od 05.08.2019.godine, kojom je povećana procijenjena vrijednost javne nabavke sa 136.000,00 KM na iznos od 138.970,36 KM bez PDV-a, čime su se stekli uslovi da se predmetni postupak okonča donošenjem odluke izboru najpovoljnijeg ponuđača.

Dana 06. 08. 2019. godine, Komisija za javne nabavke dostavila je ovom organu Zapisnik o pregledu i ocjeni ponuda broj: 01-05-896/19-3 od 25. 07. 2019. godine, Zapisnik o pregledu i ocjeni ponuda broj: 01-05-896/19-4 od 05. 08. 2019. godine, Zapisnik o pregledu i ocjeni ponuda broj: 01-05-896/19-7 od 06. 08. 2019. godine i Preporuku o izboru najpovoljnijeg ponuđača broj: 01-05-896/19-8 od 06. 08. 2019. godine u postupku javne nabavke radova „Izvođenje radova na izgradnji kanalizacionih kolektora i prečistača otpadnih voda u MZ Banovići Selo, naselje Selo II- druga faza“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda četiri (4) i to ponude ponuđača:

- 1) „GRADNJA 1“ d.o.o. Tešanj, sa sjedištem u Tešnju, Rosulje bb  
( datum predaje ponude 09. 07. 2019. godine; vrijeme predaje ponude 10:30 h),
- 2) „GPP BANOVIĆI“ d.o.o. Banovići, sa sjedištem u Banovićima, ulica Armije BiH broj 36.  
(datum predaje ponude 10. 07. 2019. godine; vrijeme predaje ponude 10:55 h),

- 3) Grupa ponuđača „ GRIMIG-RIAL\_ŠPED“ koju predstavlja „GRIMIG“ d.o.o. Doboj Istok, Klokočnica bb (datum predaje ponude 10. 07. 2019. godine; vrijeme predaje ponude 11:15 h)
- 4) „DŽEVKOMERC INŽENJERING“ d.o.o. Zavidovići, sa sjedištem u Zavidovićima, ulica Dubravački put bb (datum predaje ponude 10. 07. 2019. godine; vrijeme predaje ponude 11:20 h)

- da su pristigle ponude blagovremene,

- da su obje ponude sljedećih ponuđača ocijenjene neprihvatljivima

**1. Ponuda ponuđača Grupa ponuđača „ GRIMIG-RIAL\_ŠPED“ obijena je kao neprihvatljiva iz razloga kako slijedi:**

**Ponuđač nije uspio dokazati svoju tehničku i profesionalnu sposobnost.**

Grupa ponuđača „ GRIMIG-RIAL\_ŠPED“ u svojoj ponudi broj 01-07/19 nije dostavio dokaze tražene TD ( OSTALI USLOVI ZA KVALIFIKACIJU PONUĐAČA, TAČKA 13. c) alineja 1.

Ponuđač je u Ponudi dostavio spisak izvršenih ugovora na kojem se nalazi 1 ugovor „ Izvođenje radova na rekonstrukciji raskrsnice ulica Alije Izetbegovića, Patriotske lige i Željeznička, odnosno raskrsnica regionalnih cesta R 469 „Živinice-Banovići-Vijenac“.

Ugovor se ne može se prihvatiti kao relevantan za ovu javnu nabavku jer izgradnja cesta nije isti ili sličan, odnosno nije u vezi s predmetom nabavke ni po vrsti objekta, ni po sadržaju niti zahtjevnosti.

Predmet nabavke je izgradnja vodnog objekta (radovi iz oblasti vodoprivrede: gradnja kanalizacionog kolektora i prečistača otpadnih voda), dok se u dostavljenoj potvrdi radi o objektu ceste.

Dakle Ponuđač nije uspio dokazati da ima uspješno realiziran ugovor istog ili sličnog predmeta nabavke, odnosno nije dokazao svoju profesionalnu i tehničku sposobnost te je ponuda iz navedenog razloga ocijenjena kao neprihvatljiva.

**2. Ponuda ponuđača GPP BANOVIĆI“ d.o.o. Banovići obijena je kao neprihvatljiva iz razloga kako slijedi:**

**Ponuđač nije uspio dokazati svoju tehničku i profesionalnu sposobnost.**

**Ponuđač GPP BANOVIĆI“ d.o.o. Banovići** u svojoj ponudi broj 16-P/2019 nije dostavio dokaze tražene TD ( OSTALI USLOVI ZA KVALIFIKACIJU PONUĐAČA, TAČKA 13. c) alineja 1.

Ponuđač je u Aneksu 4. Naveo ugovor o izvođenju regulacije korita Begov potok u MZ Omazići , vrijednost izvedenih radova bez PDV-a naveo iznos od 79.702,47 KM sa potvrdom druge ugovorne strane o njegovom urednom izvršenju.

Ugovor se ne može se prihvatiti kao relevantan za ovu javnu nabavku jer regulacija riječnog korita nije isti ili sličan, odnosno nije u vezi s predmetom nabavke ni po vrsti objekta, ni po sadržaju niti zahtjevnosti.

Predmet nabavke je izgradnja vodnog objekta (radovi iz oblasti vodoprivrede: gradnja kanalizacionog kolektora i prečistača otpadnih voda), dok se u dostavljenoj potvrdi radi o regulaciji riječnog korita.

Također, vrijednost ugovora sa spiska je manja od 80 % procijenje vrijednosti javne nabavke. Procijenjena vrijednost javne nabavke je 130.000,00 KM, od čega 80% iznosi 108.080,00KM. Vrijednost ugovora sa spiska je 79.702,47 KM, što je manje od 80% procijenjene vrijednosti nabavke.

Dakle Ponuđač nije uspio dokazati da ima uspješno realiziran ugovor istog ili sličnog predmeta nabavke, odnosno nije dokazao svoju profesionalnu i tehničku sposobnost te je ponuda iz navedenog razloga ocijenjena kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

U predmetnoj javnoj nabavci provedena je e-aukcije Pravilnika o načinu i uslovima korištenja e-aukcije (Službeni glasnik BiH 66/16) i to sa ponuđačima čije su ponude u postupku pregleda i ocjene ponuda ocijenjene prihvatljivima.

Tokom trajanja e-aukcije nije bilo podnošenja novih ponuda. Dakle nije ostvareno umanjenje cijena u odnosu na cijene početne ponude. Cijena za ugovor javne nabavke neće biti umanjivana po osnovu e-aukcije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač „DŽEVKOMERC INŽENJERING“ d.o.o. Zavidovići, sa sjedištem u Zavidovićima, ulica Dubravački put bb , najbolje ocijenjen na osnovu kriterijuma najniže cijene, u ukupnom iznosu od 138.970,83 bez PDV-a, Ponuda broj **IMP 1007/19**, dok su preostali ponuđači čije su ponude ocijenjene prihvatljivima , nakon provedene e-aukcije ponudili ukupne cijene bez PDV-a:

Redni broj i firma ponuđača	Ukupna cijena u KM (bez PDV-a)	Popust % ili KM	Ukupna cijena sa popustom u KM ( bez PDV-a)
1. „GRADNJA 1“ d.o.o. Tešanj	221.286,00 KM	0	221.286,00 KM

čime je utvrđen i njihov sukcesivni red.

Iz navedenih razloga, primjenom člana 64. stav 1. tačka b. a Zakona o javnim nabavkama, a u vezi sa Pravilnikom o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

- 1x Svim ponuđačima koji su učestvovali u postupku JN
- 1x U spis
- 1x a/a

